

استیفان، شورا میان خو جا دفاع کونه

۱ او وخت کاهن اعظم وورسه: «استیفان، اشان گبان حقیقت

دأره؟» ۲ استیفان بوگفته: «شومان براران و پئران، می گبان

گوش بیدید! وختی کی امی جد، ابراهیم، بینالنهرین میان زندگی

کودی و هنوز به شهر حران کوچ نوکوده بو، خودای پور جلال اون

آشکار بوسته ۳ و اون بفرماسته: (تی وطن و تی فامیلان بنه، بوشو او

سرزمینی کی تر نشان دهم.)

۴ بزین ابراهیم جه کلدانیان سرزمین بوشو و حران میان ساکن

بو بوسته. وختی اون پئر بمرده، خودا اون اوسه کوده هه سرزمین

میان کی ایمروز شومان آیه زندگی کونیدی. ۵ خودا آسرزمین دورون

اون هیچ ارثی فنده بو، حتی اگه ایتا وجب؛ ولی اون وعده بده بو کی

خودش و بعد اون مردن، اون زاکان، مالک آسرزمین بیدی، هر چند

کی او زمان ابراهیم زاک کی ناشتی. ۶ خودا اون بفرماسته: (تی نسل،

بیگانه سرزمین دورون غریبانه زندگی کونه. اوشان چهارصد سال

به بردگی بریدی و اوشانَ ظلم کونیدی. ۷ و هَطویم بفرمأسته: (من او قومی ی کی اوشانَ به بردگی بریدی، مجازات کونمه و بعد اون، می قوم او سرزیمینْ جا آزاد بیدی و آیدی مر هیه پرستش کونیدی).
۸ خودا، ختنه به نیشانه ی عهد، ابراهیم فده. اسحاق هشت روز داشتی کی ابراهیم اون ختنه بوکوده و اسحاقم هَطو خو زای یعقوب و یعقوبم خو دوازده تا پسران ختنه بوکوده.

۹ یوسف براران، اون جه حسادت بوفروختیدی مصری یان. ولی خودا اون امرأ بو ۱۰ و یوسف جه تومام اون گرفتاریان نجات بده و اون حکمت فده و فرعون و رجه عزیز کوده، اطو کی اون یوسف مصر دورون فرمانروا و درباریان رئیس چاکوده.

۱۱ هو وخت بو کی سرتاسر مصر و کنعان سرزیمین دورون پيله قحطی بمو و امی آباجداد، سختی میان دکفتید و بی آذوقه بوبوسته بید. ۱۲ یعقوب بیشنوسته مصر میان گندم پیدا به. پس اولین بار خو پسران اوسه کوده اویه. ۱۳ دوّمین بار یوسف خودش به خو براران بشناسانه و خو براران فرعون معرفی بوکوده. ۱۴ پس یوسف،

اوشانَ اوسه كوده تا بيشيد خو پئر، يعقوبَ ورجه و تومامى اونَ
فك و فاميلانى كى هفتاد و پنج نفر بيد، باوريد. ۱۵ اَطو بوبوسته
كى يعقوب و اونَ زَاكَاَنَ مصرَ دورون زندگى بوكوديدى و اويه هم
بمرديدى. ۱۶ بعدَ مردنَ يعقوب و اونَ زَاكَاَنَ مصر دورونى، اوشانَ
جسدَ به شهرَ شَكِيم كى كنعانَ دورون نَهَبو باوريدى و مقبره ميانَ
كى ابراهيم جَه حَمورَ زَاكَاَنَ بيهبو دفنَ كوديدى.

۱۷ هَطو كى خودا وعدهيى كى ابراهيم بدهبو نزديك بوستن دوبو،
امى قومَانم مصر ميانى زيادَ بوستى. ۱۸ بَزِين آخِر سر، ايتا پادشاه كى
يوسفَ نشناختى، او سرزيمينَ حاكم بوبوسته. ۱۹ اون امى مردَاكَاَنَ
و زناكَاَنَ امراً بد رفتار كودى و امى آباجدادَ وادار كودى شيرخوره
زَاكَاَنَ راه سر بنيد كى زنده نمايد.

۲۰ هو روزان بو كى موسى به دونيا بَمو. موسى زَاكَاَنَ خيلى قشنگى
بو و اونَ سه ماه خو پئر خانه ميان قايم كوده بداشتيدى. ۲۱ بَزِين
موسى، سبَدَ قيراندود بوكوده ميان بوخوسانه ييدى و روخانَ دورون
تاوده ييدى. فرعونَ دوختر اونَ روخانَ جَا اوسده و خو پسرَ مانستن

پیلہ کودہ. ۲۲ موسیٰ مصریانِ حکمت و دانشِ امرأ پیلہ بوستہ و اونِ
کردکارانِ پیلہ آدمانِ مأنستن بو.

۲۳ وختی موسیٰ چهل سالہ بو بوستہ، خورہ فکر بو کودہ کی بشہ خو
برارانِ اسرائیلیٰ بیدینہ. ۲۴ وختی بیدہ ایتا مصری ایتا اسرائیلیٰ ظلم
کودن درہ، مردِ مصریٰ کوشہ تا اونِ نجات بدہ. ۲۵ موسیٰ خورہ
فکر کودی کی اونِ برارانِ اسرائیلیٰ فہمیدی کی خودا اونِ، وسیلہیٰ
نجاتِ اوشانِ قرار بدہ، ولی اوشانِ نفہمستیدی. ۲۶ فردای او روز،
دوتأ اسرائیلیٰ بیدہ کی ہمدیگرِ امرأ جنگ و جدل کودن دیبید.
واگردستہ او دو نفرِ بوگفتہ: (ای مردا کآن، شومان ایتا قومِ شینیدی.
چرہ ہمدیگرِ امرأ دعوا گیفتن دریدی؟)

۲۷ ولی اونی کی بہ نظر امویی مقصرِ او دعوا یہ، موسایٰ ہل دہہ
و اونِ گہ: (کی تر امی حاکم و داور چاکودہ؟ ۲۸ خیال داری مر
ہم بوکوشی، ہوطو کی او مصریٰ دیروز بوکوشتی؟) ۲۹ وختی
موسیٰ اونِ گبانِ بیشنوستہ، بہ سرزمینی کی اونِ نام مدیان بو فرار

بوکوده. اویہ ایتا غریبہ مأنستن زندگی بوکوده و هوپہ عروسی بوکوده
و صاحب دوتا پسر بوبوستہ.

۳۰ چهل سال بوگودشته بو ایروز بیابان میان، کوہ سینا نزدیکی، ایتا
کوچہ دانہ درخت آتش شوالہ دورونی ایتا فرشته موسیٰ آشکار بہ.
۳۱ موسیٰ جہ اونچی کی آشکار بوستہ بو تعجب بوکوده و هطو کی
جولو تر شوئون دبوو تا جہ نزدیک بیدینہ چی بوبوستہ، ندای خوداوند
ایشنہ کی گہ: ۳۲ (من تی آبا جداد خودایم، ابراهیم خودا، اسحاق
خودا و یعقوب خودا.) موسیٰ جان پرکستی و جرأت نوکودی او آتش
شوالہ نیگاہ بوکونہ.

۳۳ خوداوند اون بوگفته: (کفش تی پا جا بیرون باور، چونکی آیہ
کی بہ پا ایسہیی، زمین مقدسی ایسہ. ۳۴ من، مصریان بدرفتاری
کی می قوم امرأ کودن دریدی، بیدم. اوشان نالہی بیشنوستم و اوشان
نجات وستی بموم. ہسہ ویریز تا تر دووارہ مصر دورون اوسہ کونم.)
۳۵ ھہ موسیٰ بو کی امی قوم اون قبول نوکودہ بید و بوگفتیدی:
(کی تر امی حاکم و داور چاکودہ؟) خودا بہ وسیلہی فرشتہیی کی

آتشِ شوالہ میان آشکار بوسہ بو، اون اوسہ کودہ کی اوشان داور و نجات دہندہ بہہ. ۳۶ ھہ موسی بو کی نیشانہ یان و معجزہ یان امرأ امی قوم جہ مصر بیرون باوردہ و جہ رای دریای سرخ رد کودہ و چہل سالم اوشان بیابان دورون ہدایت بوکودہ.

۳۷ ھہ موسی بنی اسرائیل بوگفتہ: (خودا، جہ شیمی براران یهودی میان، پیغمبری می مانستن شیمی رہ اوسہ کونہ.) ۳۸ اون بو کی بیابان میان بنی اسرائیل قوم ورجہ بیسہ و کوہ سینا دورون، خودا کلام زندہی فرشتہ جا فیگفتہ و امر فرسانہ. ۳۹ ولی امی آباجداد اون جا ایطاعت نوکودیدی و اوشان دیلان خواستی واگردید مصر دورون. ۴۰ اوشان، ہارون کی موسی برار بو، بوگفتیدی: (امی رہ خودایانی چاکون کی بتانید رای نیشان بدید، چونکی موسی، ہمہ تان امر مصر جا بیرون باوردہ و جہ امی ورجہ بوشو و نانیم کی چہ بلایی اون سر بمو کی تا ہسہ کی وانگردستہ!) ۴۱ ہو روزان بو کی ایتا بت گوسالہ مانستن چاکودیدی و اون رہ قربانی بوکودیدی و خوشان ھہ کار وستی ایتا جشن بر پا بوکودید. ۴۲ ھن وستی خودایم خو روی

اوشانْ جَا وَاگردَانَه و اوشانْ به خودشانْ حال بنه کی آفتاب، ماه و ستاره یانْ آسمانْ پرستش بوکونید؛ هوطو کی پیامبرانْ کیتابْ میانْ، خودا بفرماسته:

(ای قومْ بنی اسرائیل، شومانْ او چهل سال بیابانْ میانْ،

می وستی قربانی بوکودیدی؟ و می ره هدیه

بأوردیدی؟

۴۳ شومانْ بتْ مُلوکْ خیمه و شیمی خودا، «رمفانْ» ستاره ی بر پا

بدأشتیدی

و آ مجسمه یانْ پرستش کودنْ ره، چاکودیدی.

پس شمرْ دورترْ جه بابلْ تبعید کونم*.

۴۴ استیفانْ ادامه بده: «آمی پئرانْ، بیابانْ میانم خیمه ی عبادتْ

خوشانْ امرأْ دأشتیدی، خیمه یی کی موسی به فرمانْ خودا و عینْ هو

نمونه ی کی بیده بو، چاکوده. ۴۵ آمی پئرانْ، یوشع رهبری امرأْ کنعانْ

سرزمینْ دورون، قومانْ ستمگرْ امرأْ بجنگستیدی و خودا هم اوشانْ

* ۴۳:۷ کیتابْ عاموسْ نبی بابْ ۵، آیه ۲۵-۲۷

جہ امی پئران راہ سر اوسدہ. او خیمہ تا داوود نبی زمان اویہ بمأنسته.

۴۶ خودا داوود مورد لطف قرار بدہ و داوود خودا جا خواہش بوکودہ

کہ: «ای خودای یعقوب، مر اجازہ دہی ایتا خانہ تی رہ چاکونم.»

۴۷ ولی سلیمان، داوود نبی زای بو کی خودا رہ خانہ چاکودہ. ۴۸ ولی

خودای متعال خانہ یانی میان کی بہ انسان دس چاکودہ بہ، ساکن

نیہ، ہوطوی کی اشعیای نبی بوگفتہ:

۴۹ (خوداوند بفرمأسته:

"آسمان می پادشاهی تخت ایسہ و زیمینم ایتا

چہارپایہ می پا جیر!

چی خانہ یی می رہ چاکونیدی؟ می جاجیگاہ کویہ ایسہ؟

۵۰ مگر می دس امرأ ہمہی آسمان و زیمین خلق نوکودم؟*")

۵۱ «ای قومی کی نافرمانی کونیدی، نہ شیمی دیل خودای

بیسپردیدی و نہ شیمی گوش! شومانم شیمی پئران مانستن ہمیشہ

روح القدس جولو مقاومت کونیدی. ۵۲ کویتا پیغمبر ایسہ کی شیمی

* ۵۰:۷ کتاب اشعیای نبی باب ۶۶، آیہ ۱ و ۲

آبا اجداد دس جا آزار و اذیت نوبوسته بی؟ پیغمبرانی بمویدی کی
او عادل یکتا، عیسی مسیح آمون پیشگویی بوکوده بید. شیمی اجداد
اوشانم بوکوشتیدی و هسه شومان عیسای خیانت بوکودیدی و اون
قاتل بوبوستیدی، ۵۳ شومانی کی شریعت فرشته یان کومک امرأ
فیگفتیدی، بزین اون جا ایطاعت نوکودید.